

圖書集成

卷一百一十五

目錄

清季外交史料卷二百十一

光緒三十四年二月上

目錄

外部致張人駿李家駒辰丸停泊之所係中國領海電二月初三日

外部致張人駿辰丸案換旗與扣船分別辦理電附照會初三日

粵督張人駿致外部日船運械濟匪若失敗則約章成廢紙電二件

初四日

外務部郵傳部會奏蘇杭甬鐵路改蘇爲滬與中英公司訂立借款

合同摺附合同初四日

日使林權助致外部扣船一案譯送日文請答覆節略初四日

郵傳部奏擬訂新奉吉長鐵路借款續約摺附續約合同暨條款初五日

總稅司赫德呈外部辰丸案請商日使以便結案函初五日

外部致林權助辰丸案仍請照章會審秉公商結節略初五日

會同督辦會同商辦日

長春商運籌辦會委辦日

商四日

粵督署人報運長滬日

長滬運署人報運長滬日

長滬運署人報運長滬日

目錄

新華外交史博卷一百一十一

清季外交史料卷二百十一

黃巖弼夫王彥威輯

男希隱亮編

孫孝章敬立校

外部致張人駿李家駒辰丸停泊之所係中國領海電

初二日電計達

悉

辰丸案葡使照稱喀羅灣島海面係屬葡領等語粵督東

電謂該船停泊之所爲中國海關緝私船所及日領無詞以對查喀羅灣即過路灣之轉音本係中國土地道光季年葡人私佔西隅之地中國迄未認爲葡屬按照粵省來圖繪入葡佔界內者也地段甚小即以十三年約文言之其所稱現時情形不得改變一節亦僅指過路灣西

角一隅而言日船係在過路灣迤東扣住據海關洋圖距葡佔迤西之地相隔太遠其爲中國領海無疑除照駁葡使外希查照二月初三日

外部致張人駿辰丸案換旗與扣船分別辦理電

附照會

辰丸船案東電所擬將船釋放仍扣存軍火各節現正與日使竭力磋商至換旗一事准艷電稱以此舉爲巡弁認其誤未嘗不可等語日使亦以換旗爲恥辱詞意堅肆必應分作兩截辦理方少糾纏本部現將此事鈔出備文道歉文如下云云並希尊處將辦事失當員弁量爲懲戒冀可先了此節希查照辦理即電覆二月初三日

附外部致日使道歉換旗照會

第二辰丸撤換國旗一事迭准貴大臣來照抗議此事據粵督來電

該巡弁等因日船所運軍火未有中國護照停泊中國海面預備起卸以致生出誤會致將旗章暫時改換本爵大臣殊爲可惜深抱不安業經電致粵督即將辦事失當之員弁加以懲戒以表歉忱除私運軍火一案另行照覆外相應先行照會貴大臣查照轉達貴國政府可也

粵督張人駿致外部日船運械濟匪若失敗則約章成

廢紙電

二件

辰丸事應付將窮兩粵治匪益難著手自西南盜案西鄰責言英艦橫來捕權幾失欽防匪熾蔓草將滋加以各屬報劫殆無虛日查粵中盜匪專恃鎗械得械則張失械則伏尋常毛瑟短鎗值僅數元購來

資盜資匪動值十餘元數十元不等利市十倍奸商設肆倚澳門以爲藪自改章整頓緝捕以來特於私運私販軍火一節懸重賞立嚴法通飭文武盡力查緝前查香港英督來督署晤談優禮敦言與相晉接幸得商允由港嚴禁軍火運澳即法人於查匪搜械亦竭力相助即如驅逐孫汶按章交犯等事是其明證數月以來所屬各江規擄之案雖未盡絕已減少十之六七欽防一帶前往緝獲軍火兩船以後匪事漸就敕平年內各處報紙遂有由東洋購濟匪械之說現在案經緝獲確係居澳華商私販徵諸已事證以探聞顯係遁飾日本與國理應至公辦理乃出其強權甘作野蠻舉動國勢强弱異形駿雖憂憤填膺際此主憂臣辱之時釋彼船懲員弁鳴礮謝過各節一紙文書均即辦到原非

難事但此案失敗則條約關章均成廢紙查緝濟匪軍火之令立須收回即不收回亦同虛設粵事誠不知所以善其後此案於無可設法之中應如何維持轉圜全仗鈞部主持無任盼禱 二月初四日

初一日電敬悉冬電兩道諒達二辰丸案迭證以華洋官商論列之言皆無不合赫稅司所持異議不知何所見云然日人強詞奪理直欲破壞我條約關章鉗制我治內清匪之法以利害所關歷上鈞部電已按實在情事痛切言之迭據報稱孫逆本有五路起事之謠惠潮肇慶欽廉在廣省實居其三蓋以香澳外附政令不及水陸交通匪黨倚爲購械運濟之地今英人已於香港嚴禁購械並斷其由港運澳轉濟之謀匪黨始不得不專以澳爲根據地另圖往東洋購運避香港往達澳門

證以本案探報之言實已信而有徵查澳門水淺地僻商務不旺幾同村落恃娼寮賭館爲命脉娼賭之藪盜匪之窟小者爲劫賊之逋逃大者即爲匪黨之外府該處除製熟煙膏出口外別無出產平時只有來往廣州香港輪渡數艘及小輪出入捕魚拖船小船壘集附泊內地尤良少莠多向無外海大輪到澳與香港情形迥不同即以澳門屬葡領地而論只指澳門方圍數十里而言四面原皆中國地界先時每年尙需納租於我本屬租界後因粵官漫不經心致被任意佔據儼然視爲屬地然於領海權初無所有也又誤於金登幹分界之說彼始佔及十字門水面然界址究未畫定且經聲明未定界前仍照舊址廣東官商士民現在仍不明認即令澳門鴉片膏出口盤上商輪亦須拱北關

核給憑照況鎗枝鎗碼進口乎若因此案遂併九洲洋而認爲彼界將廣州所屬水口東扼香港西扼澳門中國反無領海矣矧該處入急水門口將二百里兩岸有沙田民業實係內港並非外海何公海之可言又查澳門葡兵不及二百人賣鎗之店皆是華人華官訂購鎗械向在香港與澳門華商從無交易此二千餘鎗四萬餘碼非販以濟匪而何查察兩粵匪情澳門接濟匪械之路不斷盜匪必無清日揭竿蠶起倉猝可成雖有善者不知其可且本案失敗我國從此於各國商輪私運軍火無敢過問國權浸失桀黠生心滋蔓將及於沿海各省如大局何憂慮所及難容緘默全仗鈞部苦心毅力設法維持兩粵幸甚

二月初四日

外務部郵傳部會奏蘇杭甬鐵路改蘇爲滬與中英公

清季外交史料卷二十一 四
司訂立借款合同附合同

外務部郵傳部奏爲蘇杭甬鐵路改蘇爲滬與中英公司訂立借款合同恭摺具陳伏乞聖鑒事竊蘇杭甬鐵路於上年七月間由外務部右侍郎汪大燮與中英公司商訂正約未就復由署侍郎臣敦彥與該公司接議擬分辦路借款爲兩事路由中國自造除華商原有股本儘數備用外仍需款英金一百五十萬磅向英公使籌借另指的款作抵俟商議就緒即與訂立合同至造路辦法再會同郵傳部妥商辦理等情業經外務部於九月十四日具奏歷年與英使商論情形暨磋商借款辦法摺內詳晰陳明當奉諭旨着外務部即派員按此妥爲議定詳細章程務期利我民商慎防流弊等因欽此欽遵在案嗣因江浙兩省紳

商於此項路事原委未能洞悉兼之津浦鐵路借款亦未定議致未暇同時並舉迨十二月間津浦合同奏准畫押後即酌派外務部右丞胡惟德右參議高而謙等按照津浦合同底稿並參以江浙兩省現時情勢暨該省督撫等迭次來電另與中英公司代表濮蘭德逐節磋商復爭執至月餘之久始行定議臣等詳加酌核所訂合同二十四條名爲中國國家滬杭甬鐵路五釐利息借款數目係英金一百五十萬磅按九三折扣交納常年五釐利息以三十年爲期若所收此路進項不足則由關內外鐵路餘利項下撥付凡提用款項均由郵傳部或其所派之人經理此鐵路建造工程以及管理一切之權全歸中國國家該公司代購外洋材料機器以三萬五千磅作爲酬勞一切用銀均包在內

選用英總工程司一人該總工程司須聽命於總辦各等語名爲鐵路借款而凡屬鐵路內之事實與該公司均毫無干涉尙無流弊之可虞臣等伏查蘇杭甬草約第二款曾言明將來訂立正約與滬寧正約一樣而滬寧正約所載若鐵路產業作抵洋員管理賬目虛數九折所得餘利以五分之一歸銀公司各節路權利權諸多損失不無遺憾江浙兩省思患預防殆有鑒於前車且由上海至嘉興一段路工業將告成若再由蘇州另線興修則滬嘉一路幾成虛設現經該右丞等次第磋磨不用本省押款不須洋員查賬總工程司由我自選餘利用銀均先包盡路線起點亦改定係由上海或附近上海俾與滬寧鐵路一氣銜接凡係兩省人民所注意之處罔不審慎推求期於就範謹繕具合同

清單恭呈御覽俟奉旨允准再行簽押蓋印即由外務部照會英國使臣飭令該公司按照合同妥速辦理除路歸商辦由商民承領部撥存款另片奏明外所有訂定滬杭甬鐵路借款正合同緣由謹合詞恭摺具陳伏乞聖鑒謹奏光緒三十四年二月初四日奉硃批依議

滬杭甬鐵路借款合同

此合同係光緒三十四年二月初四日即西歷一千九百零八年三月六號在北京訂立其訂立合同之人一係外務部與郵傳部已奉旨允准訂立合同一係中英公司

下文即稱
爲公司

茲議訂條款如左

第一款 中國國家准公司辦五釐利息金磅借款數目係英金一百五十萬磅此借款自出售債票之日起算名爲中國國家滬杭甬

鐵路五釐利息借款

第二款

此借款指明係爲建造滬杭甬鐵路之資本

下文即稱爲此路

此路

係由上海或附近上海接連滬寧鐵路至杭州寧波兩城此路線須由上海經過楓涇鎮嘉興府湖墅杭州府江干至寧波惟此路有數段工程經中國國家允准已由本處地方建築將來勘量路線須由郵傳部核定

第三款

中國國家擔保此次所備之資本專爲建造此路連購辦

車輛及一切應配物料並造路期內經營行車在內其購買地段及造路期內付還借款利息均不得提用此項借款應由中國國家另行籌備此路自本合同簽押之日起三年造竣公司於此合同畫押

後六個月期內知會郵傳部已代預備一十萬磅聽候提用作爲出售債票第一次進款或存歐洲或滙至中國均聽該部命令此一十萬磅全數或無論實墊若干並其利息均由出售債票進款內扣除其利息不得過常年六釐

第四款 此借款利息自出售債票之日起算按虛數常年五釐每半年交付一次造路期內由中國國家自行籌備嗣後先由所收此路進款交付倘若不足則由關內外鐵路

新奉至遼河以東一段不在其內

餘利項下

撥付如仍不足可由中國國家以視爲合宜之別項進款交付以出售債票之日按西歷計算每半年交付一次按照此合同附表數目於十四日前交款